



Na osnovu člana 2.9 stav (1) tačka 2. i člana 4.16 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 17. sjednici, održanoj 28.04.2020. godine, donijela

ODLUKU

o visini takse za ovjeru za učešće na Lokalnim izborima 2020. godine

Član 1.

(Iznos takse za ovjeru)

(1) Ovom odlukom određuje se visina takse za ovjeru prijave političke stranke i nezavisnog kandidata za učešće na Lokalnim izborima 2020. godine u iznosu od:

a) Političke stranke:

- 1) 1.000,00 KM za političku stranku koja se kandiduje u sjedištu stranke za općinsko vijeće, odnosno skupštinu općine, gradsko vijeće, odnosno skupštinu grada, te po 100,00 KM za kandidovanje u svakoj novoj izbornoj jedinici, za općinsko vijeće, odnosno skupštinu općine, gradsko vijeće odnosno skupštinu grada i
- 2) 1.000,00 KM za političku stranku koja se kandiduje u sjedištu stranke za načelnika odnosno gradonačelnika, te po 100,00 KM za kandidovanje u svakoj novoj izbornoj jedinici za načelnika odnosno gradonačelnika;

b) Nezavisni kandidati uplaćuju 1.000,00 KM za kandidaturu za načelnika općine ili gradonačelnika, općinsko vijeće odnosno skupštinu općine, gradsko vijeće odnosno skupštinu grada i Skupštinu Brčko distrikta Bosne i Hercegovine.

(2) Za prijavu za učešće na izborima za popunu garantiranih mandata za pripadnike nacionalnih manjina ne uplaćuje se taksa.

Član 2.

(Način uplate novčanog iznosa takse za ovjeru)

Političke stranke i nezavisni kandidati obavezni su novčani iznos takse za ovjeru iz stava (1) ovog člana uplatiti sa svog transakcijskog računa koji će se namjenski koristiti za izbornu kampanju tokom Lokalnih izbora 2020. godine, na račun JRT broj: 0000030000000145, kod Centralne banke BiH, svrha uplate: uplata takse na podračun Centralne izborne komisije BiH broj: 37111614.

Član 3.
(Povrat novčanog iznosa takse za ovjeru)

(1) Uplaćeni novčani iznos takse za ovjeru se vraća na način utvrđen članom 4.16 Izbornog zakona Bosne i Hercegovine.

(2) Centralna izborna komisija Bosne i Hercegovine pokrenut će proceduru povrata novca kod nadležnog organa u roku od 15 dana od dana objave izbornih rezultata u službenim glasilima u Bosni i Hercegovini.

(3) Sredstva koja ne budu vraćena političkim subjektima po osnovama navedenim u ovom članu ostaju kao sredstva budžeta institucija Bosne i Hercegovine i međunarodnih obaveza Bosne i Hercegovine.

Član 4.
(Stupanje na snagu i objava u službenim glasilima)

Ova odluka stupa na snagu danom objave u „Službenom glasniku BiH“, a bit će objavljena u „Službenim novinama FBiH“, „Službenom glasniku RS“, „Službenim novinama Brčko distrikta BiH i na internet-stranici Centralne izborne komisije BiH, www.izbori.ba.

Broj: 05-1-7-3- 373-1/20
Sarajevo, 28.04.2020. godine



Predsjednica
Vanja Bjelica - Prutina

